

runt; sieque Philosophia et imprimis Theologia a nugis scholasticis purgari coeperunt, licet plures adhuc agitatae fuerint otiosae disputationes, v. g. inter *Nominales* et *Realistas*, sub Ludovico XI.

Falsum est igitur Protestantes primos ostendisse vitia scholasticae, et sacrorum studiorum reformationem induxisse: plura quidem juste carpserunt, sed quae a catholicis jam didicerant carpenda; alia vero protulerunt falsa, et in hoc merito reprobati sunt.

Interea concilium Tridentinum, circa medium saeculi decimi sexti conclusum, non tantum multos reformavit abusus, sed insuper solidioris theologiae jecit fundamenta: voluit ut ubique erigerentur seminaria quibus præficerentur sacerdotes juventuti erudiendæ idonei. Ex hoc tempore magis ac magis cessaverunt vanæ disputationes: in Universitatibus, præsertim in Parisiensi, in ordinibus religiosis, insignes fuerunt magistri de rebus multo magis occupati quam de verbis, qui toti fuerunt ut haereticos debellarent, incredulos convincerent, sanæ moralis regulas ac disciplinæ ecclesiasticae leges traderent. In exemplum citari possunt Bellarminus, Suarez, de Lugo, Patavius, Natalis Alexander, Tournely, etc.

INSTITUTIONES THEOLOGICÆ

AD USUM SEMINARIORUM.



TRACTATUS

DE VERA RELIGIONE.

RELIGIO, cuius vox a *religando*, juxta plures, oritur, considerari potest ut virtus, vel ut scientia. In priori sensu, est virtus moralis nos ad cultum Deo exhibendum inclinans; in posteriori vero sensu, est corpus doctrina officia nostra erga Deum complectens. Inter illa autem officia, alia spectant ad intellectum; sunt veritates credendæ: et alia ad voluntatem; suntque precepta implenda. De religione hoc modo accepta in præsenti Tractatu agitur. Nobis inquirendum est an cultum Deo rependere teneamur, et qualis esse debeat.

Plurima vero alibi jam mature examinata, hic supponimus ut certa, videlicet Dei existentiam, naturam ejus perfectissimam, miranda illius attributa, mentis nostræ spiritualitatem, libertatem et immortalitatem; essentialie discrimen inter bonum et malum morale; necessitatem cultus interni, externi et solemnis; religionis naturalis necessitatem et insufficientiam; absurditatem indifferentiae circa varias religiones existentes: hæc enim in Philosophia tractantur, ubi unusquisque ea relegere potest.

Hunc itaque maximi momenti Tractatum in tres dividemus partes, quarum 1^a erit de religione revelata in genere, 2^a de religione Judaica, et 3^a de religione Christiana.

PARS PRIMA.

DE RELIGIONE REVELATA IN GENERE.

Nunc circa revelationem in genere tres existunt opiniones.

1º Rationalistæ contendunt revelationem nihil aliud esse quam intelligentiæ humanae progressus semper crescentes. Revelationes particulares in libris sacris descriptas habent ut *mythos*.

2º Quidam recentiores philosophi catholici voluerunt, e contra, ut rationalistas efficacius refellerent, humanam rationem nullius veritatis esse capacem absque divina revelatione seu speciali Dei concursu diverso sensu intellecto : sic 1º D. de Bonald fortiter contendit hominem nullam habere ideam sine expressione seu voce ei correspondente, ac proinde omnes ideas intellectualis à Deo primitus revelatas esse cum loquela quam homines invenire non potuissent; 2º D. De La Mennais, qui absolute negavit rationem in individuo spectatam certitudinem obtainere posse alia via quam testimonio generis humani primæva Dei revelatione illuminati; 3º D. Bautain, qui etiam repetit certitudinem pro individuo a revelatione, non testimonio generis humani transmissa, sed infallibili Ecclesiæ auctoritate manifestata, nec non ab interiori gratia firmam adhæsionem mentis producente.

Quid sit sentiendum de his opinonibus diximus in *Institutionibus philosophicis*. Prima libere propugnari potest et a multis doctis viris admittitur. Versatur autem circa modum cognitionis naturalis, et quidquid de illa sentiatur, saltem certum est eam cum revelatione supernaturali, de qua infra, facile conciliari posse. Secunda vero a Sancta Sede damnata manet. Postremam tandem, graviter ab auctoritate ecclesiastica improbatam, deseruit ipse

DE VERA RELIGIONE.

13

D. Bautain, quem zelus et pietas ad momentum a recta via in eo abduxerant.

3º Cæteri vero catholici generaliter intelligunt per revelationem, manifestationem dogmatum et preceptorum, lapsu temporum, a Deo extraordinarie factam cum extrinsecis fidei motivis. Hæc revelatio habere potest pro objecto dogmata sola ratione cognoscibilia, veritates captum rationis superantes, officia lege naturali jam præscripta, vel leges positivas præceptis naturalibus superadditas.

Nobis agendum est 1º de revelationis possibilitate, 2º de methodo illam inquirendi, et 3º de characteribus quibus existentia ejus certo dignoscatur.

CAPUT PRIMUM.

DE REVELATIONIS POSSIBILITATE.

Inter eos qui possibilitatem revelationis negant, alii contendunt Deum homines alloqui non posse; alii affirmant, ut Rousseau in *Emile*, lib. 4, quod si Deus aliquid revelaret, omnibus et singulis hominibus immediate loqui deberet; alii dicunt, cum eodem Rousseau, ibid., Deum revelare non posse veritates captum mentis nostræ superantes; alii denique volunt Deum facere non posse præcepta legi naturali superaddita: ita Tindall et de Prades, in famosissima *thesi* anni 1751. Sicque errant alii in ipsam revelationis possibilitate, alii in modo illam faciendo, et alii in ejus objecto. Varios errores istos per sequentes proligabimus propositiones.

PROPOSITIO PRIMA.

Deus homines alloqui potest.

Prob. 1º Homines non carent facultate suas ideas et cogitationes aliis hominibus manifestandi: atqui Deus eamdem et perfectiorem habere debet facultatem; os enim hominis et linguam fecit, loquelam instituit, aures plan-

tavit: ergo et ipse suas ideas suasque cogitationes ac voluntates hominibus manifestare potest eis imponendo obligationem credendi et agendi.

2º Omnes populi revelationes, sive veras sive falsas, semper admiserunt: ergo semper arbitrati sunt Deum homines alloqui posse. Porro universalis hæc persuasio argumentum est veritatis. Si populi variis modis circa revelationum existentiam in particularibus casibus erraverint, error non fuit universalis, constans et invincibilis, nec proinde divino Auctori naturæ humanae tribui potest. Talis error, supposita persuasione Deum homines alloqui posse, facile explicatur. Sed persuasio cuicunque hominibus ingenita, qua universaliter, constanter et invincibiliter impelluntur ad judicandum Deum homines alloqui posse, ipsi Deo auctori humanae nature tribuenda esset. Ergo, etc.

Obj. Deus organa vocis non habet: ergo loqui non potest.

R. Nego conseq. Nulla enim est connexio necessaria inter motus oris ac linguae hominis, et modulationem auditionis quam interne mens audientium experitur, quia motus corporis agere non possunt in mentem omnino simplicem: igitur modulatio ista ex sola Dei institutione arbitraria provenit. Deus autem absque hujusmodi motibus efficere potest ut eodem modo interne afficiamur, ac si quis externe loqueretur. Ergo.

Præterea Deus clare ac distinete per evidentiam interne nobis in rebus naturalibus loquitur: atqui non repugnat illum veritates supernaturales eadem via aperte nobis manifestare, *ut patet*. Ergo.

Ubi de existentia revelationis agemus, ostendemus certissimas dari vias discernendi an Deus re ipsa locutus fuerit et suam voluntatem manifestaverit.

PROPOSITIO SECUNDA.

Deus, ex hypothesi quod aliquid revelare velit, singulis hominibus immediate loqui non tenetur, sed potest illud manifestare quibusdam electis quorum ope alios doceat.

Prob. 1º Ex hypothesi quod Deus aliquid revelare velit,

etiam cum intentione omnes obligandi, sufficit ut tutissima illis subministret media quibus hanc revelationem certo cognoscere possint: atqui, licet Deus singulis hominibus immediate non loquatur, tutissima ipsis subministrare potest media quibus revelationem certo cognoscere possint; infra enim probabimus certissima dari posse media quibus existentia revelationis constare valeat, nempe miracula et prophetias. Ergo.

2º Revelationis existentia multo convenientius hac via constare potest quam si Deus singulis hominibus immediate loqueretur. Si enim Deus teneatur singulis hominibus immediate loqui, debet, ad præcavandas falsas imaginaciones quæ pro veris revelationibus sumarentur, et ad impedendum ne impostores suos persuaderent errores ut veritates revelatas, omnes illustrare mentes, per evidentiam aut alio modo, sicutque totum naturalem ordinem nunc extantem subvertere. Porro dici non potest Deum ad id teneri: valde convenientius est ut suas ideas ac voluntates clare manifestet et apertissima præbeat media quibus omnes hanc revelationem certo cognoscere possint. Ergo.

3º Nemo exigit ut rex voluntates legesque suas omnibus subditis immediate manifestet: ergo *a fortiori* exigere non debemus ut Deus immediate nobis loquatur. Nonne conveniens est, e contra, ut in rebus ad religionem pertinentibus eadem via nos doceat qua in rebus naturalibus eruditur, scilicet per traditiones aliaque documenta, ab hominibus nobis transmissa vel explicata? Ergo.

Obj. Tam facile singulis hominibus quam nonnullis tantum loqueretur Deus: ergo nulla est ratio cur omnibus non loquatur.

R. Nego conseq. Deus enim non tenetur ad id quod facile operari potest, alioquin debuisset peccatum impidire, nos sicut angelos efficere, etc. Præterea, Deus perfecte liber est in honorum suorum distributione, et ea omnino indebita pro beneficio suo nobis largiri potest: sola ergo ipsius voluntas ratio est sufficiens cur uni potius quam aliis immediate loquatur, sicut rex mandata sua per ministros cunctis subditis libere manifestat.

PROPOSITIO TERTIA.

Deus potest revelare veritates captum mentis nostræ superantes.

Prob. Si hujusmodi veritates Deus revelare non posset, vel quia nullas cognosceret, vel quia eas nobis manifestare non posset, vel quia repugnaret nos eas credere teneri: atqui nihil horum dici potest. 1º Dici non potest Deum nullas cognoscere veritates captum mentis nostræ superantes; Deus enim in scientia est infinitus, nos vero valde finiti: in rebus naturalibus innumera, respectu nostri, existunt mysteria: ergo a fortiori et in rebus divinis. Ergo.

2º Deus illas veritates nobis manifestare potest: *id sequitur ex prima propositione.*

3º Non repugnat veritates captum mentis nostræ superantes nos credere teneri. Id enim a nobis Deus exigere potest quod libenter hominibus prestamus: atqui libenter ex verbis hominum credimus veritates captum mentis nostræ superantes; innumeræ enim sunt veritates in ordine naturali, v. g. in physica, in astronomia, etc., quas maxima pars hominum penitus ignorat: atqui tamen libenter eas ex verbis doctorum credimus, quamvis illas non percipiamus: ergo multo magis credere debemus veritates quas Deus nobis manifestat. Præterea, valde conveniens est quod tales ex verbo Dei credamus veritates; cum enim totum ens nostrum ab ipso oriatur, nobilior pars entis nostri, scilicet intellectus, illi submitti debet; atqui perfecte Deo non submititur, nisi tales credendo veritates; sic enim supremam veritatem dignissimo cultu honorat. Unde D. Frayssinous, *Conf. de la Religion considérée dans ses mystères*: « Les mystères sont incompréhensibles; eh bien! c'est par là même qu'ils sont plus dignes de la sagesse de Dieu. Jésus-Christ est venu pour guérir l'homme tout entier, remédier à la plaie profonde faite à son esprit par l'orgueil, comme à son cœur par la volonté. Une curiosité superbe l'avait précipité dans les plus

DE VERA RELIGIONE.

» monstrueuses erreurs, comme l'amour des choses sensibles l'avait plongé dans les plus brutales et les plus honteuses passions; il fallait que son cœur fût purifié par une loi sainte, et son esprit humilié par des vérités incompréhensibles. C'est du Père des lumières que nous tenons la raison qui nous éclaire: or, si, par un indigne abus, elle s'est soulevée contre son auteur, que peut-elle faire de mieux, pour expier sa révolte, que de s'immoler elle-même à la raison suprême, et de plier sous le joug de l'incompréhensible, mais infaillible vérité de Dieu? » Ergo.

Insuper, omnes populi admirerunt, in ordine religiosis, veritates captum humanum superantes, et incredulos, mysteria quælibet rejicientes, habuerunt velut impios. Ergo, etc.

Solvuntur objectiones.

Obj. 1º. Deus sibi contradicere non potest: atqui Deus sibi contradiceret, si veritates captum mentis nostræ superantes revelaret, earumque fidem exigeret: ergo.

R. Nego min. Nam si in eo casu Deus sibi contradiceret, certe, ut asserit Rousseau in *Emile*, lib. 4, quia ex una parte rationem nobis concessit, et ex altera parte illius submissionem veritatibus non perceptis exigeret. At in ea hypothesi nulla est contradictio: in tantum enim esset contradictio, in quantum rationem nobis ad percipiendas in se hujusmodi veritates concessisset, et illas tamen supra captum rationis posuisset: atqui non ita agit Deus, sed tantum jubet ut, ipso revelante ipsiusque revelatione certa nobis innotescente, ratio credat veritates quas in se non percipit: in hoc autem nulla est contradictio, *ut patet*: ergo.

Inst. 1º. Prædictæ veritates seu mysteria rationem offendunt: ergo, si Deus jubeat ut eas credamus, sibi contradicit.

R. Nego min. Illa enim mysteria rationem non offendunt, quæ manifestam repugnantiam non involvunt: atqui mysteria captum mentis nostræ superantia manifestam repugnantiam non involvunt. Sunt quidem supra rationem,

ex hypothesi; sed multum est discri men inter esse supra rationem et esse contra rationem: illud quippe est supra rationem quod ratio non percipit, illud vero solum est contra rationem quod realem involvit repugnantiam, ut, v. g. *Bis duo dant quinque; totum est una parte minus.* Porro mysteria quae captum mentis nostrae superant tamē repugnantiam non eo ipso involvunt: ergo.

Inst. 2°. Mysteria quae insolubilibus argumentis impugnantur, rationem offendunt: atqui mysteria captum mentis nostrae superantia insolubilibus impugnantur argumentis: ergo.

R. 1°. Dist. maj. Mysteria quae insolubilibus impugnantur argumentis, ex evidenti repugnantia petitis, rationem offendunt, *conc.*; si hæc argumentorum insolubilitas ex ipsa mysteriorum obscuritate, vel potius ex limitibus intelligentiae nostræ, oriatur, *nego maj.* Itaque fatetur mysteria insolubilibus argumentis ex evidenti repugnantia petitis impugnata, rationem offendere: *id manifeste patet.* At, si hæc insolubilitas ex ipsa mysteriorum altitudine vel ex intelligentiae nostræ limitibus oriatur, tunc id unum merito concludi potest, scilicet, ea esse supra rationem: porro supra rationem esse possunt, et tamen rationem non offendere: ergo.

Et vero, plurimæ sunt veritates in ordine naturali quæ insolubilibus impugnantur argumentis, quales sunt existentia motus, materiae divisibilitas vel non divisibilitas in infinitum, etc., et tamen illæ veritates in dubium non revocantur: ergo a fortiori mysteria credere debemus, licet, etc.

R. 2°. Nego min. Plurima quidem contra mysteria insti tuuntur argumenta quæ directe, id est ex principiis a natura rei petitis, solvi non possunt; sed nulla sunt quæ ex alienis considerationibus solvi nequeant. Cuncta enim argumenta mysterii opposita indirecte solvuntur, si clare videatur ex una parte Deum locutum fuisse, et manifesta ex altera parte, non demonstretur repugnantia: atqui hæc duo constare possunt ubi de mysteriis agitur. 1° Constat potest Deum locutum fuisse, ut *infra probabimus.* 2° Ex altera parte, clare ostendi potest incredulos manifestam

non demonstrare repugnantiam. Ergo. Sic omnia incredulorum argumenta contra singula fidei Christianæ mysteria proposita centies soluta sunt, verum fidei objectum enunciando, et ostendendo illud nullam exhibere contradictionem. Ergo.

Inst. 3°. In nonnullis mysteriis quædam appareat repugnantia quæ judicatur evidens: atqui repugnantia quæ judicatur evidens eamdem vim habet respectu nostri ac si vera esset: ergo tunc ea mysteria credere non possumus.

R. 1°. Dist. maj. Hæc apparet repugnantia judicatur evidens immerito et ante sufficiens examen, *concedo;* merito et post maturum examen, *nego maj.* Fateor quidem repugnantiam quæ in nonnullis videtur mysteriis aliquando judicari evidentem, sed immerito et absque sufficienti examine. Illud enim solum merito judicatur evidens quod ex omni parte ita clare perspicitur, ut mens illi assentiat sine ulla errandi formidine; atqui mens non potest, omnibus sedulo perpensis, affirmare se ita clare prædictam in mysteriis perspicere repugnantiam, ut illi absque ulla errandi formidine assentiat; ubi enim sedulo advertit quid sint mysteria, multam in eis videt obscuritatem: at eo ipso quod tamē videat obscuritatem, affirmare non potest se evidentem perspicere repugnantiam, ita ut illi judicio absque ulla errandi formidine assentiat: ergo.

Et vero in rebus naturalibus saepissime evidens nobis apparet repugnantia, v. g. in phænomenis fulminis, electricitatis, adamantis, optices, etc., et tamen nemo haec phænomena in dubium revocat: pariter, quando mirabiles luminis et colorum effectus cæco a nativitate narrantur, incredibiles illi videntur; si oculi ipsius pro momento aperirentur, et unum inter duo specula vidcret hominem, tres illi apparerent homines perfecte similes: si statim in eamdem recideret cæcitatem, persuasum haberet non unum sed tres ibi existere homines, et affirmaret hoc evidens esse: ut insanus tamen haberetur, si pertinaciter negaret unicūm esse hominem. Ergo a fortiori ut insanus habendus est impius qui divina religionis mysteria negat, sub prætextu quod aliqua etiam evidens in eis appareat repugnantia.

R. 2^o. Nego min. Evidentia enim realis eo majori fulget claritate quo strictiori subjicitur examini : dum, e contra, si evidentia quæ tantum est apparenſ sedulo examinetur, aliqua ſaltem detegitur obscuritas. Ergo.

Obj. 2^o. Deus proponere non potest, ut objectum fidei noſtræ, voceſ omni idea vacuaſ : atqui voceſ quæ myſteria captum mentis noſtræ ſuperantia exprimunt, omni idea ſunt vacuae : ergo.

R. Nego min. Illæ enim voceſ omni idea non ſunt vacuae quæ ſic exprimunt objectum, ut illud a quolibet alio ſecernere poſſimus : atqui myſteria captum mentis noſtræ ſuperantia ita vocibus exprimi poſſunt, ut ea a quolibet alio objecto ſecernere valeamus. Sit enim vox *Trinitas*; vox illa exprimit objectum in natura ſua quidem valde obſcurum, ſed tamen ab omni alio diſtinctum; ſi nullum enim exprimeret objectum, illius prolationem non plus afficeret quam vox Arabica vel Persica, vel omnino barbara : contrarium autem evidens eſt : ergo.

Obj. 3^o. Revelatio myſteriorum rationi imperviorum eſt inutileſ : ergo repugnat Deum ea revelare.

R. Nego ant. Nam 1^o hæc dogmata, intellectum noſtrum Deo ſubjicientia, efficiunt ut reverentiam noſtram ei teſtificemur. 2^o Fundamenta ſunt præceptorum mo‐raliū eorumque sanctio omnino neceſſaria, ut mors Christi, purgatorium, aeternitas poenarum in inferno, etc. 3^o Hæc dogmata ſunt inter ſe concatenateda, ita ut quædam ſufficienter cognosci non poſſint quin alia manifestentur : v. g. neceſſitas gratiæ ſupponit peccatum originale et mor‐tem Christi; mors Christi ſupponit incarnationem, et incarnatio pluralitatem personarum in Deo. 4^o Non obſcuritatem myſteriorum Deus immediate fidei noſtræ proponit, ſed veritates ſupernaturales, quarum notitia nobis neceſſaria vel ſaltem maxime utilis eſt : cum autem illæ ve‐ritates aciem mentis noſtræ ſuperent, aliquam obſcuritatem respectu noſtri involvunt, et inde myſteria quæ debilitatem intelligentie noſtræ arguant. 5^o Revelatio, quæ conterendæ ſuperbiæ mentis humanae aptiſſima eſt, inutile dici non poſteſt : atqui talis eſt revelatio et fides myſteriorum cap‐

tui noſtro imperviorum, ut in probatione ostendimus. Quod aliunde Bayle ipſe ſic exprimit, *Dict. art. PAULICIENS, note F*, versus finem : « Il eſt plus utile qu'on ne pense » d'humilier la raison de l'homme, en lui montrant avec » quelle force les hérésies les plus folles, comme ſont » celles des Manichéens, ſe jouent de ſes lumières, pour » embrouiller les vérités les plus capitales. Cela doit ap‐» prendre aux ſocinienſ, qui veulent que la raison ſoit la » règle de la foi, qu'ils ſe jettent dans une voie d'égare‐» ment qui n'eſt propre qu'à les conduire de degré en de‐» gré jusqu'à nier tout, ou jusqu'à douter de tout, et » qu'ils s'engagent à être battus par les gens les plus exé‐» crables. Que faut-il donc faire? Il faut captiver ſon » entendement ſous l'obéissance de la foi, et ne diſcuter » jamais sur certaines chofes. » Ergo.

PROPOSITIO QUARTA.

Deus nova præcepta legi naturali addere poſteſt.

Prob. 1^o. Deus eſt supremus dominus noſter; ſed ut ſu‐premuſ dominuſ habet facultatem præcipiendi oſicia quæ in lege naturali non continentur. Principes enim, legiſta‐tores et quilibet ſuperiores huiuſmodi habent facultatem, eam quotidie exerceſt, et inferiores eis parere deſhent, ut omnes fatentur et alibi probatur. Ergo a fortiori et Deus talia facere poſteſt præcepta quibus parere tenemur.

Prob. 2^o. Si Deus talia præcepta facere non poſſet, maſime quia forent inutilia : atqui huiuſmodi præcepta non ſunt inutilia ; nam 1^o multum inſervire poſſunt ad cuſtodienda legi naturaliſ præcepta, ſicut legiſ positivæ principiis ad ſervandum ordinem publicum conducunt; 2^o ſenſus pietatis in mentib⁹ noſtriſ ſovent et excitant; 3^o uniformitatem cultus divini ſtabiliunt et conſervant; lex enim naturaliſ dictat aliquem cultum Deo deberi, ſed illius formam non determinat : attamen neceſſe eſt formam cultus divini positive determinari; aliunde, tot eſſent diversi modi Deo ſerviendi quoſ capita, et tunc nulla daretur uniformitas in religione, nulla decentia, nulla maiſtas. Ergo.